


FBI ta confia resultado di lie detector test cu el a haci

Joran van der Sloot na Merca a admiti cu el a asesina Natalee Holloway



ORANJESTAD/BIRMINGHAM (AAN): Diez ocho aña despues di desaparicion di Natalee Holloway, Joran van der Sloot a admiti na husticia Mericano cu el a asesina e mucha muher Mericano di 18 aña riba beach na Aruba na 2005. Esaki a bira conoci durante tratamiento di un caso di extorsion contra e Hulandes den estado di Alabama, cu ta unda famia di Natalee ta bibando.

Van der Sloot a wordo extradita pa Merca for di Peru, pa e tey presente pa e caso, unda cu e lo

a pidi famia di Natalee placa, a cambio di duna nan informacion riba unda e curpa di e hoben por wordo haya.

E tempo ey van der Sloot a tuma e placa, pero no a revela unda e curpa di Natalee por wordo haya. E Hulandes algun luna pasa a admiti cu el a mata e Natalee riba beach y e confesion aki pa lunanan largo a wordo investiga pa FBI, pasobra den pasado na diferente ocasion van der Sloot a inventa tur tipo di storia.

Un lie 'detector test' cu siman pasa e Hulandes a haci, segun FBI ta un in-

dicacion importante cu e biah a ki van der Sloot ta papiando e berdad.


E confesion di van der Sloot ta nifica pa husticia Mericano cu e caso di desaparicion di Natalee Holloway a wordo resolvi.

A cambio di su confesion y admission di culpa den e caso di extorsion, e fiscal Mericano ta pidi pa duna van der Sloot un castigo reduci di 20 aña. Si e huez bay di acuerdo cu esaki, van der Sloot lo bula bek pa Peru pa sigui sinta su castigo pa asesinato di Stephany Flores na 2010.

Joran ainda tin cu keda den prison di Peru te cu 2045.

Periodista di crimen Hulandes famoso John van der Heuvel a revela algun detaye specifico di e confesion di van der Sloot.

El a splica cu ora cu e Hulandes tabata riba beach cu Natalee e taba-



ta purbando di tene relacion sexual cune, pero e mucha muher tabata kier a sunchi so.

Ora cu el a sigui purba tene relacion sexual cu Natalee, e mucha muher a dal e mey mey di su pia y e ora ey van der Sloot a explota den rabia y a

mata e hoben.

Despues di admiti cu el a asesina Holloway, van der Sloot a bisa cu e kier cambia su bida na un manera positivo.

"Ora cu mi sali for di prison na edad di 57, mi kier yuda otronan", segun e Hulandes.